



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XLI. Facultas utendi Altari portatili, & absolvendi a reservatis pro FF.
Discalc. SS. Trinitatis Congreg. Hispaniæ.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Indulgen.
perp. conce.
se fuerunt d.
Confraterni-
tati.
Preces Con-
fratrum.

vocatione Conceptionis Beatae Mariae Virginis Immaculatae in Ecclesia Ordinis Fratrum ejusdem Beatae Mariae de Mercede Redemptionis Captivorum Civitatis Mexican. in Indiis Occidentalibus canonice, ut asseritur, erectae nobis nuper exponi fecerunt, alias Confratribus, & Confororibus dictae Confraternitatis certa tunc expressa pietatis opera peragentibus nonnullae Indulgentiae, & peccatorum remissiones, ac poenitentiarum relaxationes auctoritate Apostolica in perpetuum concessa fuerint, quibus iidem Confratres, & Conforores de praesenti fruuntur; dicti vero Exponentes illas Christifidelium Defunctorum animabus per modum suffragii applicari posse plurimum desiderant. Nos specialem ipsis Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatae existunt ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine nobis super hoc humiliter porrectis inclinati, omnibus, & singulis memoratae Confraternitatis Confratribus, & Confororibus praesentibus, & futuris, ut Indulgentias, & peccatorum remissiones, ac poenitentiarum relaxationes praedictas, quas de caetero consecuti fuerint, Christifidelium Defunctorum animabus, quae Deo in charitate conjunctae ab hac luce migraverint, per modum suffragii applicare libere, & licite possint, & valeant, dicta auctoritate, tenore praesentium concedimus, & indulgemus. In contrarium non obstantibus quibuscumque. Praesentibus perpetuis futuris temporibus valituris.

Datum Romae apud S. Mariam Majorem sub Annulo Piscat. die XXIII. Junii MDCCIII. Pontificatus nostri anno Tertio.

Concessio
perpetua
praed. facultatis.

XL.

Declaratur, competere primo Assistenti Congreg. Missionis jus praesidendi in Gen. Conventu, etiam quando Superior Gen. munus suum dimittit.

De Assistentibus vide Innoc. XI. Constitut. ed. 1679. Jun. 5. P. 3. Et Bened. XIII. Const. ed. 1727. Julii 15. P. 4.

Dat. 9. Julii
1703. An. 3.

CLEMENS PAPA XI.

Ad futuram rei memoriam.

A Constitutio-
nibus con-
ceditur fa-
cultas praesi-
dendi Primo
Assistenti in
pluribus ca-
sibus, sed non
refertur ca-
sus praesens
quo Superior
Gener. re-
nunciat mu-
neri suo.

CUM, sicut accepimus, dilectus filius modernus Superior Generalis Congregationis Presbyterorum Missionis officium suum in Conventu generali per eum ad id convocato dimittere intendat, ac in eo secuta dimissione hujusmodi electio Vicarii, seu novi Superioris Generalis die VI. Augusti proxime venturi fieri debeat, in Constitutionibus vero dictae Congregationis primo quidem Assistenti Superiori Generali ejusdem Congregationis facultas praesidendi Conventui deputatorum ad Vicarium Generalem eligendum, casu, quo ipse Superior Generalis propter infirmitatem illum eligere nequeat, aut nolit, vel ab officio suo deputandus sit, aut non nominato Vicario Generali ab humanis decesserit, concessa legatur, sed quis dicto Conventui Generali, Superiore Generali adhuc in humanis agente, & officium secum dimittente, praesidere debeat, per Constitutiones praedictas expresse cautum minime reperitur nec similis casus unquam evenerit. Nos cupientes, ut Conventus generalis hujusmodi recte, & feliciter ad Dei gloriam, & praedictae Congregationis utilitatem ce-

Causa decla-
rationis d.
casus.

lebretrur, & hac in re omnis dubitandi occasio tollatur, ac dilecti filii Mauritii Faure, qui (ut pariter accepimus) primi Assistentis ejusdem moderni Superioris Generalis munere de praesenti fungitur, fide, prudentia, charitate, vigilantia, & integritate plenam habentes in Domino fiduciam, eumque a quibusvis excommunicationis, suspensionis, & interdicti aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, motu proprio, ac ex certa scientia, & matura deliberatione nostris, deque Apostolica potestatis plenitudine, eundem Mauritium dicto Conventui Generali, quatenus in eo memoratus modernus Superior Generalis ante electionem Vicarii, seu novi Superioris Generalis hujusmodi nolit, aut impediatur ministerium Praesidentis exequi, praesidere debere, perinde, ac si id in Constitutionibus praedictis expresse cautum reperiretur, tenore praesentium decernimus, & declaramus.

§. 1. Decernentes pariter easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac praedicto Mauritio in omnibus, & per omnia plenissime suffragari, & ab eis ad quos spectat, & pro tempore quomodocumque spectabit inviolabiliter observari: Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere; ac irritum, & inane, si secus super his a quocumque quavis auctoritate scienter, vel ignoranter contigerit attentari.

§. 2. Non obstantibus praemissis, ac Constitutionibus, & Ordinationibus Apostolicis, nec non dictae Congregationis, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, Indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus & singulis illorum tenores praesentibus pro plene, & sufficienter expressis, ac ad verbum insertis habentes illis alias in suo robore permansuris ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctam Mariam Majorem sub Annulo Pisc. die IX. Julii MDCCIII. Pontificatus Nostri Anno Tertio.

Conceditur facultas utendi Altari portatili, & absolvendi a casibus reservatis in quibusdam partibus Infidelium Fratibus Discalceatis Sanctiss. Trinitat. Redempt. Captiv. Congregat. Hispania.

XLI.

Inn. XII. Const. ed. 1695. Apr. 23. P. 4. concessa fuit facultas eligendi Judices Conservatores. Et hujus Pontif. Const. ed. 1720. Mar. 2. P. 20. conceditur Commissariis Gen. aliud tempus post electionem Generalis.

CLEMENS PAPA XI.

Ad futuram rei memoriam.

LIAS fel. rec. Urbano Papae VIII. Praedeceffori Nostro pro parte tunc existentis Procuratoris Generalis Fratrum Discalceatorum nuncupatorum Ordinis Sanctiss. Trinitatis Redemptionis Captivorum Congregationis Hispaniarum exposito, quod Congregatio praedicta juxta laudabile ipsius Institutum ejus Religiosos

Declaratio
motu pro-
prio facta
pro Primo
Assistente.

Claufula.

Dat. 21. Nov.
1703. An. 3.

Idem conce-
sum fuit cum
aliis in Africa
ab Urb. VIII.

in Africam, ut Christiani fideles inibi sub misera Turcarum servitute constitutos, quos poterant, ab illa eximere querebant, eosque in Domino consolabantur, Ecclesiastica Sacramenta illis administrabant, ac eorum denique animarum saluti, quibus poterant, rationibus, incumbere valebant, mittere intendebant, memoratus Urbanus Prædecessor, ut iidem Religiosi in commisso sibi munere huiusmodi ad eorundem Christianifidelium spiritualem fructum utilius sese exercere valerent, supplicationibus dicti Procuratoris Generalis nomine sibi super hoc humiliter porrectis inclinatus, Religiosis mittendis huiusmodi, quod Altare portatile cum debita reverentia, & honore, super quo in locis Africae dumtaxat honestis tamen, & congruis, etiam non sacris, & cum temporis qualitas id exegerit, etiam antequam illuceferet dies, circa tamen diurnam lucem, in dictorum Captivorum, & aliorum fidelium in dictis locis degentium præsentia Missas, & alia divina Officia celebrare, omnesque, & singulos eorundem locorum utriusque sexus Christianifideles, ipsorum confessionibus diligenter auditis a quibuscumque excessibus, & delictis, etiam in Bulla die Cœnæ Domini legi solita contentis, ac pro commissis per eos, & eorum quemlibet penitentiam injungere salutarem; Necnon his qui peccata sua confessi, & de illis corde contriti fuissent, ac Sanctiss. Eucharistiæ Sacramentum sumpsissent, quoties id fecissent, toties plenariam omnium, & singulorum peccatorum suorum indulgentiam, & remissionem misericorditer in Domino elargiri libere, & licite valerent, Apostolica auctoritate facultatem impertitus fuit. Necnon eosdem, qui dura servitute in illis partibus oppressi pro tempore fuissent, quotiescumque ab Ecclesia Romana illius Thesauros referari, & generales peccatorum remissiones per Romanos Pontifices, etiam præscripta fidelibus ad illas assequendas, forma, & Statuto tempore in eisdem adjecto proponi contigisset, cum primum illarum ad eosdem Captivos noticia pervenisset aliqua agendo, quæ naturali libertate privatum verisimile erat facere posse, illas omnes consequi, quæ alii Christianifideles tempus, & formam exacte, in illarum concessione tradita observantes consequuti fuissent, eadem auctoritate voluit, & declaravit, & alias prout in ipsius Urbani Prædecessoris literis desuper in simili forma Brevis die 20. Januar. 1626. expeditis, quarum tenorem præsentibus pro plene, & sufficienter expresso, & inserto haberi volumus, uberius continetur.

§. 1. Cum autem, sicut Procurator Generalis dictæ Congregationis Nobis nuper exponi fecit, eadem Congregatione Germaniæ, & Poloniæ Regnis subinde propagata, Fratres ejusdem Ordinis in novis Conventibus Regnorum huiusmodi commorantes Constantinopolim, ad Tartariæ partes, aliaque Infidelium loca ad Captivos huiusmodi redimendos sese conferre soleant, ac proinde ipse Procurator Generalis prædictas Urbani Prædecessoris Literas ad loca huiusmodi a Nobis extendi, & ampliari plurimum desideret. Nos piis ipsius Procuratoris Generalis votis hac in re quantum cum Domino possumus annuere cupientes, supplicationibus ejus nomine Nobis super hoc humiliter porrectis inclinati de Venerabilium Fratrum nostrorum S. R. E. Cardinalium Concilii Tridentini Interpretum, consilio, & attenta relatione dilecti filii nostri in Alma Urbe Vicarii in spiritualibus generali super præmissis eisdem Cardinalibus facta, Fratribus dicti Ordinis ad loca Infidelium huiusmodi sese conferentibus, ut Altari portatili utantur, & a casibus reservatis in eisdem locis Infidelium dumtaxat cum dependentia tamen a nunc, & pro tempore existentibus Vicariis Apostolicis a Sede Apostolica deputatis absolvere possint, & va-

leant, Apostolica auctoritate tenore præsentium concedimus, & indulgemus; Salva tamen semper in præmissis auctoritate Congregationis eorundem Cardinalium.

§. 2. Decernentes easdem præsentibus Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quandocumque spectabit in omnibus, & per omnia plenissime suffragari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, necnon omnibus, & singulis illis, quæ in ejusdem Urbani Prædecessoris literis concessa sunt non obtinere, cæterisque contrariis quibuscumque.

§. 4. Volumus autem, ut earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis eadem prorsus fides ubique locorum, tam in Judicio, quam extra illud habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die XXI. Nov. MDCCLIII. Pontificatus nostri Anno Tertio.

Damnatur, ac prohibentur quædam Folia impressa sub titulo: *Acte d' Appel interjetté par le Procureur General de Lorraine, & Barrois, de l'execution du Bref du 22. Septembre dernier &c.*

Const. hujus Pont. ed. 1704. Jan. 28. P. 4. damnatus fuit libellus - Veritable tradition &c. Et Const. ed. 1705. Jul. 16. P. 5. damnatur Jansenismus.

CLEMENS PAPA XI.

Ad perpetuam rei memoriam.

CUM Nos alias per quasdam nostras in simili forma Brevis literas librum quemdam Gallico idiomate conscriptum, & in duas partes divisum, sub titulo: *Ordonnance de Leopold I. Duc de Lorraine, & de Bar &c. donnée à Nancy au Mois de Juillet 1701. A Nancy Chez Paul Barbier Imprimeur Libraire à la Ville Neuve 1701.* damnaverimus, & reprobaverimus, ac legi, seu retineri prohibuerimus, & alias, prout in prædictis nostris literis die 22. Septembris proxime præteriti expeditis, quarum tenorem præsentibus pro plene, & sufficienter expresso, ac de verbo ad verbum inserto haberi volumus, uberius continetur; Subinde vero ad Apostolatus nostri notitiam pervenisset in vulgus circumferri quædam Folia eodem gallico idiomate typis impressa, quibus titulus: *Acte d' Appel interjetté par le Procureur General de Lorraine, & Barrois, de l'execution du Bref du 22. Septembre dernier rendu contre l'Ordonnance de Son Altesse Royale du mois de Juillet 1701. de notre Saint Pere le Pape Clement XI. mal informé, à notredit Saint Pere le Pape, lors qu'il sera mieux informé, avec l'Arrêt d'enregistrement d'icelui.* Nos nonnullos ex Venerabilibus Fratribus nostris S. R. E. Cardinalibus, aliisque in Sacra Theologia Magistris, & in Decretis Doctores ad eorundem Foliolorum examen delegimus, qui omnes Folia ipsa, tanquam conti-

Clausula.

XLII.

Dat. 11. Febr. 1704. An. 4.

Scopus foliorum.

Causæ damnationis dd. foliorum.

Causa frequentis Concessionis cum precibus Procuratoris Gen.

Concessio d. facultatis cum dependentia a Vicariis Apostolicis.